

# 20

DF AKADEMIE | PROSPEKTUS

# 27





# DF Akademie



**SKOOLHOOF**  
Mnr. H Oosthuizen



**ADJUNKHOOF**  
Mnr. S Dippenaar



**ADJUNKHOOF**  
Me. N Solomon

## **Kontak ons**

021 948 8781

info@dfakademie.com

## **Skooltye**

Ma. - Vr. 07:45 – 14:15

## **Kantoortye**

Ma. - Vr. 07:30 – 15:00

## **Besoek ons**

DF Akademie

Frans Conradierylaan

Bellville, 7530

[www.dfakademie.com](http://www.dfakademie.com)

[www.facebook.com/dfakademie](https://www.facebook.com/dfakademie)

[www.instagram.com/df.akademie](https://www.instagram.com/df.akademie)

## *Inhoudsopgawe*

Visie en missie .....	1	Vakkeuses (gr. 8-9).....	10
Boodskap van die Skoolhoof .....	2	Vakkeuses (gr. 10-12) .....	11
Waardes .....	4	Kultuur .....	12
Inskrywingsprosedure .....	5	Sport.....	13
Kampus en Ligging .....	6	Dit maak DF lekker.....	14
Aksie Omgee .....	8	Eduhelp.....	16
Klerebank en Sportwinkel.....	9	Finansiële inligting.....	17

# Welkom

DF is 'n toonaangewende Afrikaans-medium hoërskool wat leerders in 'n veilige en waardegedrewe omgewing in hulle totaliteit ontwikkel sodat hulle in 'n snel-veranderende volwasse wêreld hulle plek kan vol staan.

## VISIE

DF strewende daarna om 'n innoverende en leidinggewende hoërskool te wees wat leerders geleenthede bied om met die nodige lewensvaardighede toegerus te word sodat hulle 'n positiewe verskil in die samelewing kan maak.

## MISSIE

Ons wil 'n omgewing skep waar elke leerder op akademiese -, geestelike -, kulturele - en sportvlak kan ontwikkel deur innoverende bestuur, mentorskap, personeelvoorsiening en -ontwikkeling, navorsing en eksterne samewerking.



# Boodskap van die Hoof

By DF Akademie glo ons 'n skool is meer as net geboue en uitslae - dit is mense. Ons is trots op ons bekwame span personeellede, ondersteunende ouers en doelgerigte leerders wat saam 'n kultuur van uitnemendheid bou. Jaar na jaar wys hierdie samewerking in ons akademie, sport, kultuur en VRIEND-waardes.

Ons akademiese standaard bly die fondament van ons sukses, maar dit is veral die ingesteldheid waarmee ons elke taak aanpak wat DF onderskei. Hierdie trotse tradisie op alle terreine loop ons vooruit en leerders kry hier die geleentheid om die getroue leiers te word wat ons samelewing nodig het.

Die wêreld het ons geleer dat paaie nie altyd gelyk is nie en dat hellings en hoogtes die roete soms bemoeilik.

Ons is ook bewus daarvan dat die wêreldse maatstaf fel is en dat 'n kind soms vergeet om nog kind te wees. Ons maak dus seker dat ons by DF ten volle leef en ook saam lag.

Van DF se unieke kenmerke is die wye verskeidenheid vakkeuses wat ons bied en die mate waartoe ons oop vakkeuses moontlik maak.

Ons glo elke kind is uniek en het sy of haar eie potensiaal. Ons unieke oop vakkeuses bied dus ongelooflike opsies vir 'n vinnig veranderende wêreld. By DF kies ons die lig ongeag die hindernisse oor die pad.

Op buitemuurse gebied is ons trots op ons sport- en kulturefasiliteite wat van hoogstaande gehalte is. Daar word jaarliks projekte aangepak om vooruitgang te verseker en die beste belang van elke leerder op die hart te dra. Elke leerder kry die kans om deel te neem en te behoort.

Die waardes waarmee ons uitdagings aanpak, begelei ons leerders om hul eie potensiaal te ontsluit saam met die nodige kundigheid en blootstelling wat ons personeel en afrigters bied.

As voornemende Dee-Effer kan jy reeds nou al uitsien na unieke geleenthede soos DTBS, interskole, uitruilprogramme, kamerkore, sporttoere, toernooie, "flashes", avonture en weke vol tradisies soos ons jaarlikse kultuurweek.

Vir meer as 70 jaar slaag DF reeds daarin om kennis oop te breek aan leerders. Om aan leerders 'n omgewing te bied waar egtheid in

geloof en harde werk rigtingwysers is. Hierdie moeilike pad is steeds ons roeping. Dit is die pad wat die grootste deel van die samelewing vermy omdat kortpaaie so gemaklik beskikbaar is. Ons sal bly fokus op die piek en waar ons hulp vandaan kom.

Ons hoop om u kind hier te verwelkom en deel te maak van die bloubloed DF-familie.

Kom kies die lig saam met ons.

*Hannes Oosthuizen*  
Skoolhoof



# Waardes



## Projek VRIEND

Ons skool se waardes is die fondament waarop ons alles bou. Ons waardes word d.m.v. Projek VRIEND uitgeleef en bestaan uit verskillende inisiatiewe om ouers, onderwysers en leerders saam te snoer.

Ons VRIEND-waardes:

VERANTWOORDBAARHEID

RESPEK

INTEGRITEIT

EMPATIE

NEDERIGHEID

DIENSBAAARHEID

### Gr. 8-Verwelkoming

Die nuwe graad 8-groep word aan die skool se tradisies en gebruike blootgestel deur die VRIEND-waardes op 'n praktiese manier uit te beeld en in te oefen. Van die hoogtepunte is die Groot Stap tussen Melkbos en Blouberg en ook die Baadjieplegtigheid.

### Leierskapontwikkeling

Die skool plaas 'n hoë premie op leierskapontwikkeling en daarom word leerders deurlopend aan geleenthede blootgestel om hul leierskapvaardighede te slyp.

### Inisiatiewe vir Ouers

*OpReis* is 'n ouer-en-kind-program vir graad 8-leerders en hul ouers, met die doel dat die graad 8-leerder deur hul ouer (of betekenisvolle volwassene) tot volwassenheid opgeroep word op 'n belewens-waardige manier.

*Oopkop Ouerskap* bemagtig pa's en ma's (of die instaanouer) om op 'n betekenisvolle manier die hemel aarde toe te bring vir die gesin.

# Nuwe Inskrywings

## Inskrywingsprosedure

Inskrywings van graad 8-leerders vind tussen 10 Maart en 14 April 2026 plaas. Aansoeke moet op die aanlynstelsel van die WKOD gedoen word.

<https://admissions.westerncape.gov.za>

Geen onderhoude word vir graad 8-inskrywings gehou nie (dit word deur die WKOD verbied). Indien daar buitengewone omstandighede is wat die ouer graag met die skool wil bespreek, kan 'n afspraak gereël word deur 'n e-pos aan [inskrywings@dfakademie.com](mailto:inskrywings@dfakademie.com) te stuur.

Die volgende dokumente moet (in PDF-formaat) op die WKOD se stelsel gelaai word:

- die leerder se ID of 'n volledige ("unabridged") geboortesertifikaat;
- die leerder se graad 6-rapport;
- ouers se ID's en
- 'n munisipale rekening

### **Ouers word op 28 Mei 2026 ingelig oor die uitkoms van aansoeke.**

Slegs leerders wie se aansoeke suksesvol is, sal 'n inskrywingsvorm van die skool ontvang. Dit moet volledig voltooi en deur albei ouers geteken word.

Gewaarmerkte afskrifte van die dokumente wat aanlyn gelaai is, sal vir verifikasie aangevra word. Geen elektroniese afskrifte sal vir verifikasie aanvaar word nie. Aansoeke word as onvolledig beskou indien die dokumente nie ingedien word nie.

'n Oorplasingertifikaat van die vorige skool moet voor of op die toelatingsdatum ingedien word.

Vir die volledige terme en voorwaardes van die WKOD, besoek gerus <https://admissions.westerncape.gov.za/admissions>

# Kampus en ligging

DF Akademie, ongeveer 20 km vanaf Kaapstad, is in 'n gevestigde area en naby 'n ontwikkelende sakekern geleë. Daar is ook verskeie bekende laerskole naby DF.

Die skoolkampus bestaan hoofsaaklik uit vier geboue. Die grootste is die Hoofgebou waarin die administratiewe kantore en die meerderheid van die klaskamers geleë is. Verder word laboratoriums, rekenaaronderigglokale en die I-Sentrum ook hier aangetref.

Die Uitvoerende Kunstesentrum bevat die drama- en musiek-onderrigklasse, asook kunsateljees. Die Eduhulp-kantoor en ekstra klaskamers is ook deel van hierdie gebou.

'n Veeldoelige Aktiwiteitsentrum word vir groot byeenkomste en binnenshuise sport gebruik.

Die Krieket-akademie huisves sportkantore, LO-lokale en binnenshuise krieketnette. 'n Hoëprestasiesentrum wat 'n gimnasium huisves, is in 2015 opgerig.

'n Unieke fasiliteit van die DF-kampus is die Trein ('n regte treinwa). Die trein sorg vir 'n eiesoortige vergader- en ontspanningsfasiliteit.

Opelug sportfasiliteite voltooi die res van die DF-kampus.



# Fisiese Geriewe

Die skool beskik tans oor die volgende geriewe:

02

RUGBYVELDE

07

NETBALBANE

02

KRIEKETVELDE

05

TENNISBANE

- Hoofgebou met 42 klasse
- Sewe mobiele klaskamers
- Vier rekenaarsentrums
- I-Sentrum (Biblioteek en Internettoegang)
- Drama-, kuns- en musiekklassie
- Splinternuwe Verbruiker-studiesentrum
- Toegeruste Laboratoriums
- Veeldoelige Aktiwiteitsentrum
- Hoëprestasiesentrum met 'n gimnasium
- 'n Krieket-akademie met drie binnenshuise krieketnette.
- Twee rugbyvelde en twee krieketvelde, asook vyf buitelig krieketnette
- Sewe netbal- en ses tennisbane; hoofnetbalbaan met spreiligte
- Hokkie-astro met spreiligte en opwarmingsarea (mini-astro)
- Kafeteria en ontspanningsarea
- Die Trein (ontspanningsfasiliteit)
- 'n Sonpaneelstelstelsel wat ons in staat stel om voort te gaan met onderrig ten spyte van beurtkrag
- Gratis Wifi-konneksie vir leerders

## BUSROETES


Daar is tans 'n busroete na en van Panorama, Welgelegen en Monte Vista wat deur 'n privaat-kontraakteur bedien word. Kontak Manuel's Busdiens: 021 933 5639 of e-pos [enquiries@manuels.co.za](mailto:enquiries@manuels.co.za)



# Aksie Omgee

Hierdie liefdadigheidsbeweging word gedryf deur die leerders van DF. Aksie Omgee bied aan leerders en ouers die geleentheid om by nood in die skool en die gemeenskap betrokke te raak.

Daar is 'n wye verskeidenheid verdienstelike projekte (bv. ons kospakkieprojek wat verseker dat almal by die skool iets het om te eet). Dit sluit aan by ons waardes en bied ons leerders praktiese geleenthede om diensbaar te wees en empatie te toon.



# Klerewinkel en Sportwinkel



Die DF-klerewinkel verkoop die sportdrag wat benodig word vir die onderskeie sportsoorte (bv. sweetpakkbroeke, kortbroeke, rugby-, netbal-, atletiek- en hokkiedrag), asook reënbaadjies en sportsakke. Daar is ook skooltasse, pette en DF-ondersteunersdrag beskikbaar.

'n Klerewinkel word ook vanuit die DF-klerewinkel bedryf. Die klerewinkel doen geen aankope nie en is afhanklik van skenkings. Gebruikte skool- en sportklere kan hier teen billike pryse aangekoop word. Aankope kan met kontant, 'n kaart of per EFT geskied.

Kontak: [klerewinkel@dfakademie.com](mailto:klerewinkel@dfakademie.com)

Ure: Dinsdae en Donderdae tussen 13:00 en 15:00

Nuwe klere kan by die skool se twee verskaffers aangekoop word:

## De Jagers

Hoek van Sportica en  
Bill Bezuidenhout, Tygervallei

Tel: 021 914 7816

## School & Leisure

Winkel 13, Willowbridge Village,  
Carl Cronjerylaan 39, Tygervallei

Tel: 021 914 0495

# Junior Sekondêre Fase

## Graad 8 en 9

### Verpligte vakke:

- Afrikaans Huistaal
- Engels Huistaal of Engels Eerste Addisionele Taal
- Natuurwetenskappe
- Sosiale Wetenskappe
- Wiskunde
- Lewensoriëntering
- Ekonomiese - en Bestuurswetenskappe
- Tegnologie
- Skeppende Kunste  
Kies twee tussen Drama, Dans, Kuns en Musiek.

wye  
VAKKEUSES



### Keusevakke:

DF bied ook aan leerders die geleentheid om een van die volgende vakke as verryking te neem:

- Rekenaargeletterdheid
- Duits
- Musiek
- W5-Wiskunde
- Sportwetenskap\*
- Kodering en Robotika\*

*\* Aanbieding is onderhewig aan genoeg belangstelling in 'n graad. Daar is ook 'n ekstra koste verbonde aan hierdie vakke.*

**Sportwetenskap** is 'n twee jaar module wat oor graad 8 en 9 strek. Die teorie word met praktiese modules binne die vak aangevul.

**Kodering en Robotika** word sedert 2022 aangebied en is baie gewild onder leerders wat graag HTML en Python wil aanleer. Leerders kry ook blootstelling aan CAD en mikro-kontroleerders.



# Senior Sekondêre Fase

## Grade 10 – 12

### Verpligte VIER vakke:

- Afrikaans Huistaal
- Engels Huistaal of Engels Eerste Addisionele Taal
- Wiskunde of Wiskundige Geletterdheid
- Lewensoriëntering

### Kies DRIE keusevakke:

- Besigheidstudies
- Dramatiese Kunste
- Duits
- Ekonomie
- Fisiese Wetenskappe
- Geografie
- Geskiedenis
- Ingenieursgrafika en Ontwerp
- Inligtingstegnologie
- Lewenswetenskappe
- Musiek
- Ontwerp-kuns
- Rekeningkunde
- Rekenaartoepassingstegnologie
- Toerisme
- Verbruikerstudies
- Visuele Kunste

*Vrye keuse van vakkeuses is moontlik (onderhewig aan WKOD-regulasies).*

Leerders kan, met verloop van die WKOD, toegelaat word om vanaf graad 10 meer as drie keusevakke vir die Nasionale Senior sertifikaat aan te bied. Slegs sekere vakke kan as ekstra vak geneem word. Enige navrae in hierdie verband kan met Eduhelp se personeel bespreek word.

Leerders in grade 9 tot 12 kan ook die Gevorderde Wiskunde program na skoolure volg. Dit bied aan die leerders die geleentheid om die IEB-vraestel aan die einde van Gr. 12 te skryf. Hierdie program is van groot waarde vir leerders wat 'n Wiskundige studierigting aan universiteite wil volg.

Verdere verryking sluit in die geleentheid om Gespreksfrans, Frans as vak of Mandaryns buite skoolure te neem. Die koste hieraan verbode word jaarliks vasgestel en is afhanklik van die mate van belangstelling.



# Kultuur

Kultuur is en sal altyd 'n belangrike prioriteit van ons skool wees. Leerders neem jaarliks aktief deel aan 'n wye verskeidenheid kompetisies op kulturele vlak

Ons kore presteer skitterend tydens eisteddfods en koorfeeste.

Die blaasorkes gee leerders die geleentheid om 'n blaasinstrument te bemeester. Hulle hou gereeld konserte en neem deel aan kompetisies.

Debatteerders (beide Afrikaans en Engels) word nasionaal erken en Dee-Effers se skryfvermoë beïndruk voortdurend.

Leerders kry gereeld die geleentheid om uitstappies te onderneem, sowel as om musiekuitvoerings, toneel- en ander opvoerings by te woon.

Dit word sterk aanbeveel dat leerders aan ten minste een kultuuraktiwiteit deelneem:

- Avontuurklub
- Blaasorkes
- Debat en Redenaars
- df.groen (Ekoklub)
- Drumline
- English Debating
- Fotografieklub
- Koor
- Kamerkoor
- Skoolkoerant (Herout)
- Toneelgeselskap



# Sport

Die doelstelling met die DF-Sport is om leerders se sporttalente optimaal te ontwikkel. Dit sluit hoëvlakdeelname in en is op alle sportsoorte van toepassing. Waar dit die skool se taak is om die kind in sy totaliteit op te voed, vorm buitemuurse bedrywighede 'n belangrike faset van die opvoedingsproses.

Dit word sterk aanbeveel dat leerders aan ten minste een wintersport en een somersport deelneem.

Leerders wat vir 'n sportkode registreer, moet vir die hele seisoen vir oefeninge en wedstryde beskikbaar wees. Daar is vir elke sportsoort 'n eiesoortige kode van reëls en prosedures by die sportorganiseerders beskikbaar.

Die volgende sportkodes word deur die skool aangebied:

- Atletiek
- Bergfiets
- E-sport
- Gholf
- Hokkie
- Krieket (ook Meisiekrieket)
- Landloop
- Netbal
- Rugby (ook Meisierugby)
- Skaak
- Swem
- Tennis
- Noodhulp



# Dit maak DF lekker!

## Olimpiades, kompetisies en vasvrawedstryde

Leerders word aangemoedig om aan uitstallings, kompetisies en olimpiades deel te neem en sodoende waardevolle ondervinding op te doen.

## JSE Kompetisie

Die jaarlikse JSE-aandelekompetisie is 'n wonderlike geleentheid vir ons senior leerders. DF het ook al hulle stempel as weners daarop afgedruk.

## Talentkompetisie en Revue

Ons talentvolle leerders kry die geleentheid om op musiek-, toneel- en dansgebied te wys waartoe hulle in staat is.

## Mnr. en Mej. DF

Die verkiesing van Mnr. en Mej. DF is 'n glansryke geleentheid. Die leerders wat hierdie titels verower, beywer hulle vir welsynswerk en is ambassadeurs vir hulle skool.



## DTBS

Hierdie byeenkoms word beskou as een van die hoogtepunte van die skooljaar. Elkeen van die deelnemende skole (DF Akademie, Tygerberg, Bellville en Stellenberg) streef daarna om die gesogte atletiek- en geesbekers te verower.

## Sportnaweke

Opwindende Sportnaweke vind jaarliks plaas:

- Hermanus-naweek
- Hoërskool Punt (Mosselbaai)
- Jan van Riebeeck-naweek (Sport en kultuur)

## Spesialis-bystand

Leerders het toegang tot Noodhulp, Fisioterapie en 'n Biokinetikus op die skoolperseel.

## Interskole

'n Opwindende sport- en kultuurweek teen die Hoërskool Bellville vind jaarliks plaas. Die week is 'n hoogtepunt op elke Dee-Effer se kalender.

## Blaasinstrument Onderrig

Blaasorkeslede kan spesialisonderrig in die instrument van hul keuse by die skool ontvang. Instrumente is ook by die skool te huur.

## Werkskadu

Gr. 10-leerders kry die geleentheid om by 'n werkplek van hul keuse ondervinding op te doen en daarvoor verslag te doen.

## Graad 11-dag

Die doel van dié dag is om die gr. 11's voor te berei op hulle matriekjaar. Probleemoplossing, motivering en fisiese aktiwiteite maak die dag baie spesiaal.



## Internasionale geleentede

Groepe DF-leerders onderneem gereeld buitelandse sport- en kultuurtoere.

Die *Wye Wêreld Uitrustelprojek* is 'n ervaring van 'n leeftyd vir leerders wat as uitrustelstudente na susterskole dwarsoor die wêreld reis.

## Avontuurklub

Ons gr. 9's en 11's kry jaarliks geleentheid om die wit waters van die Oranjerivier aan te durf. Ander staptogte en uitstappies word oor naweke aangebied.



# Eduhelp

## Sielkundige Ondersteuning, Voorligting en Studieleiding

Dienste word aan die skool en breër gemeenskap gelewer en sluit in:

- Studieleiding en Leermetodes
- Vakvoorligting
- Konsessie-aansoeke
- Beroepsvoorligting- en beroepskeuse-assesserings
- 'n Inligtingsdiens ten opsigte van tersiêre opleiding
- Ondersteuning van persoonlike- en emosionele welstand
- Ouerleiding en bystand

Individuele ondersteuning asook groepwerk vind plaas en individuele intervensies en groepwerk, asook relevante psigometriese evaluering word ingespan.



**EDUHELP**  
Nina Barnard

Me. Barnard het onder andere Sielkunde studeer en is geregistreer onder die Raad van Sielkunde by die Gesondheidsraad van Suid-Afrika in 'n onafhanklike praktyk. Sy is 'n geregistreerde Psigometris en onderwyser en is ook 'n fasiliteerder vir Study Toolbox.

### Opleiding

Universiteit van Pretoria, UNISA en Universiteit van Stellenbosch.

Registrasiensnommer: PMT 0095460

Praktyknommer: 0870307

Professionele Assosiasies: HPCSA, SACE, BHF, PsySSA, EPASSA, Study Toolbox.

Kontakpersoon: Nina Barnard  
eduhelp@dfakademie.com

# Finansies

DF se begroting ondersteun die voortsetting van ons strategie, naamlik die belegging in gehalte-onderwys, geheel-ontwikkeling van leerders en verbetering aan bestaande fasiliteite. Die skoolfonds word aan die einde van die voorafgaande jaar vasgestel en deur 'n skrywe van die voorsitter van die Beheerliggaam aan ouers bekend gemaak.

Skoolfonds word jaarliks vooruit gehef en moet maandeliks in 11 eweredige paaieimente betaal word (31 Januarie tot 30 November). Ouers se voorkeur ten opsigte van die betalingswyse word op 'n finansiële ondernemingvorm aangedui. Alle invordering van skoolfonds geskied volgens die skool se finansiële beleid.

*Alle kostes word jaarliks hersien en vasgestel en onderstaande syfers is slegs 'n aanduiding (2026 kostes) en kan verhoog in opvolgende jare.*

## Skoolfonds (2026)

Totaal oor 11 maande .....R43 120


## Ekstra vakke (per jaar)

Robotika en kodering .....R3 400

Sportwetenskap .....R3 286

RTT .....R3 286

IT .....R3 286





---

## DF AKADEMIE

[www.dfakademie.com](http://www.dfakademie.com)

[info@dfakademie.com](mailto:info@dfakademie.com)

021 948 8781